



Departement für Volkswirtschaft und Soziales Graubünden
Departament d'economia publica e fatgs socials dal Grischun
Dipartimento dell'economia pubblica e socialità dei Grigioni

Departament d'economia publica e fatgs socials
Ringstrasse 10, 7001 Cuira

www.dvs.gr.ch
Tel.: +41 (0)81 257 23 03
Fax: +41 (0)81 257 21 71
E-mail: info@dvs.gr.ch

Adressatas ed adressats
tenor la glista da distribuziun

7 da december 2023

Revisiun parziala da la Lescha davart il sustegn da personas basegnusas (Svizras e Svizzers cun moda da viver nomada)

Consultaziun

Stimadas dunnas e stimads signurs

Nus As suttamettain il sboz per ina revisiun parziala da la Lescha davart il sustegn da personas basegnusas (LS; DG 546.250) concernent Svizras e Svizzers cun moda da viver nomada, per laschar prender posiziun.

Per il sustegn economic (agid social) è da princip cumpetenta quella vischnanca, en la quala las personas basegnusas abitan u sa trategnan. Sche las Svizras ed ils Svizzers cun moda da viver nomada dovran eventualmain sustegn, è correspondentamain quella vischnanca cumpetenta per pajar agid social, en la quala sa chatta la piazza da fermada u da staziunament utilisada. En il chantun Grischun datti mo en in pèr paucas vischnancas talas plazzas.

Per garantir ina purschida sufficiente da plazzas da staziunament en il chantun Grischun e per evitar ina grevezza ineguala da quellas vischnancas che disponan d'ina piazza da staziunament resp. che porschan ina tala, duai vegnir introducida ina nova regulaziun en la LS. Tenor quella duain eventuels custs da l'agid social che stattan en connex cun ina piazza da staziunament per Svizras e Svizzers cun moda da viver nomada, vegnir repartids sin tut las vischnancas.

Il sboz da la lescha ed il rapport explicativ respectiv pudais Vus consultar e chargiar giu da la pagina d'internet dal chantun sut las consultaziuns currentas (www.gr.ch → [Rumantsch](#) → [Publicaziuns](#) → [Consultaziuns](#) → [Consultaziuns currentas](#)).

Nus As envidain d'inoltrar Vossa posiziun fin ils **6 da mars 2024** per e-mail (info@dvs.gr.ch) al departament.

Nus engraziain per Vossa collavuraziun.

Salids amicabels

**DEPARTAMENT D'ECONOMIA
PUBLICA E FATGS SOCIALS**

Il schef



Cussegliev guvernativ Marcus Caduff

Glista da distribuziun:

- Vischnancas politicas dal chantun Grischun
- Partidas politicas dal chantun Grischun
- Fundaziun In futur per ils vagants svizzers
- Associaziun dals viagiants
- Departaments da l'administraziun chantunala